

Число 4.

Ужгород, 15-го фебруара 1924.

Роцник IV.

БЛАГОВѢСТИЦА

Богданчук.

Да бсі
єдино
бъдасть

Ів. 31, на



ДУХОВНА ГАЗЕТА ДЛЯ ПОДКРУСИНОВ

Заложуйте свои вкладки до Централъ або філіялоч
ПОДКАРПАТСКОГО БАНКА.

СТАН ВКЛАДОК ПОВЫСШЕ: КЧ. 10.000,000.

В всяких финансовых и господарских дѣлах доста-
вить Вам скору, точну и бесплатну пораду :-:

ПОДКАРПАТСКІЙ БАНК В УЖГОРОДЪ.

Своими заощаднеными гелерами при доброму опро-
центованю капитала подирайте свой народный

ПОДКАРПАТСКІЙ БАНК В УЖГОРОДЪ.

Истинно народна, руська и славянска інституція есть
ПОДКАРПАТСКІЙ БАНК В УЖГОРОДЪ.

Свой до свого!

Пересылки долларов до Америки з дозволом
Банковного Уряду выконує :-:-:-

ПОДКАРПАТСКІЙ БАНК В УЖГОРОДЪ.

Переказы до Галичин, Польщъ и др. держав
Европы и Америки выконує найвыгоднѣйше :-:

ПОДКАРПАТСКІЙ БАНК В УЖГОРОДЪ.

Замѣну старых ческословенских банкнот (Кч. 5000,
500, 5.—) переводить :-:-:-

ПОДКАРПАТСКІЙ БАНК В УЖГОРОДЪ

в Банковном Урядѣ Министерства Финансов.

Америцькѣ десеквестрації, исекурації и компен-
зації за померших в Америцѣ переводить :-:

ПОДКАРПАТСКІЙ БАНК В УЖГОРОДЪ.

За вкладки (льокації) платить

ПОДКАРПАТСКІЙ БАНК

:-:- 5%—6%. :-:-

Путешественна канцеларія продажа желѣзнодо-
рожных карточок на цѣлу територію
Республики и до всѣх сторон свѣта має

ПОДКАРПАТСКІЙ БАНК В УЖГОРОДЪ

Число 4.

Ужгород, 15. фебруара 1924.

Рочник IV.

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяцъ
каждого 1-го и 15-го.

АДРЕС:
Редакції: Kapitulska ulica 10.
Адміністрації:
Uzhgorod, Duchnovičova č. 12.

ПРЕДПЛАТА:
на рок 12.— К
одно число 1.— К
За границю 20.— К
До Америки..... 1 Д.

ОБЯВЛЕНИЯ
принимаются по цѣнѣ
за 1 сторону .. 200 К
за 1/2 сторону .. 120 К
за 1/4 сторону .. 65 К

Чія печать?

Многоразъ чути отъ нашихъ людей, котрѣ изза
цѣкавости заходять въ собраніе заблудшихъ нашихъ
братьевъ шизматиковъ и даже субботниковъ, что „они
не лихо говорять“.

Та прошу красно, ци лихо говоривъ змій Евѣ,
коли ю искусовавъ на отступленіе отъ Бога? Ци, не
файно говоривъ діаволъ, коли самого Спасителя зма-
гався искусовать въ пустыни?

Такъ искусительно говорили — якъ нынѣ говор-
ять — фалшивѣ прокори за время Іоанна богослова,
котрый напоминає насъ: „Возлюбленніи, не всікомъ
дѣхъ вѣрдите, но искушайте дѣхи, аще отъ Бога суть, яко
мнози лжеprороцы изъїдоша міръ“ (І. собл. пос. Іоанна 4, 1.)

Ци у своей шкурѣ искушуе вовкъ овцу, коли ю
хоче прокерти? Якъ то у казахъ кажется. Нѣть
брата, діаволъ не иде правою дорогою; онъ, якъ
вѣчный ворогъ христіанства, политику пріявъ собѣ за
союзницю. Россійска политика то держить, что „пра-
вославіе“ (то есть шизма) и славянство суть не роздѣ-
лимѣ.

Спаситель основавъ церковь лишь одну, и то для
всѣхъ; утвердивъ ю вапномъ любви и діаволъ не могъ
рушити основаніе ей, . основана во вѣ на камени“ (Маѳ.
7, 25); зато закликавъ на помочь политику, политика
орудовала своими средствами: непокорностію, ненави-
стію, и такъ удалось, что на фронтѣ русиновъ Подк. Руси
оффензива урвала, роздѣлила насъ на двѣ ворожѣ

громады. Гордость и ненависть размочили вапно любви, бо любовь устыла у насъ, а змій гордости наднявъ голову, якъ въ время нещастного Фотія и Керуларія.

Гордость была первымъ грѣхомъ, который извелъ ангеловъ изъ неба въ погибель, гордость выгнала прародителей изъ рая, хотѣли быти ровнѣ Богу; гордость была главною причиною роздора церкви въ 9-омъ и 11-омъ столѣтіи, гордость и непокорство повели Лутера въ ересь. И нынѣ тата гордость недопускае Россію къ соединенію изъ Римомъ, и на послѣдокъ отъ любви христіанской чужа гордость чинить перепону нынѣ межи нами и выискуе всякѣ ложнѣ пункты и фалшивѣ наученія св. вѣры. Сей гордости и безлюбія головникъ діаволъ есть; водитель „лживыхъ пророкъ иже приходатъ къ вамъ въ одѣжахъ пророкъ, иже приходить къ вамъ въ одѣжахъ овчихъ, вінѣтре же суть волци хищницы. Отъ плодовъ ихъ познаете ихъ“ (Мѳ. 7, 15, 16.) Якѣ плоды породять нашѣ, батюшками наведенѣ блуднѣ братя: обороги палять, колодязи чарять, присады рубають, убивають. Отъ плодовъ ихъ познаете ихъ. Се есть отзнакъ, печать ихъ вѣры.

, „Молю же вы братіе, влюдитесь отъ творящихъ распри и раздоры, кромѣ обученія, смѣ же вы наѹчністесѧ, и склонитеся отъ нихъ. Такевіи во господевіи нашемъ Іисѹсъ Христъ не работаютъ, но своею чрева, иже благими словесы и благословеніемъ прелщаютъ сердца незлобивыхъ (Къ Римъ. 16, 17, 18.)

А мы, братя любѣ, укрѣтляйме сердца наша любовію, и молѣмся за нихъ, „много во можетъ молитва праведнаго посїщественна“ (соб. посл. Яков. 5, 16.).

Цѣлый рочник 1923. Благовѣстника в переплетѣ за 24
Кч. можно достати в редакціи Благовѣстника !

Еще маємо дасколько примѣрников из книжочки М. Гелебана: „Где глядати правду?“ Кождый вѣрный гр. каѳ. прав. русин має прочитати сесю цѣнну книжочку.

Цѣна 1 Кч.

Рок 1924.

„БЛАГОВІСТНИК“

Сторона 51.



Наука о вѣрѣ.

§. 4. Богъ.

Основна истинна каждой религії, что существует одень Богъ, сътворитель и содержатель всей вселенни.

Сей есть першій членъ нашего вѣроисповѣданія : „Вѣровю въ єдинаго Бога отца, вседержителя : творца неба и земли, видимыхъ же всѣхъ и невидимыхъ“. Св. Павелъ говорить: „Вѣровати подобаетъ приходящемъ къ Богу, яко есть“. (Евр. 11, 6.)

Существование Бога можемъ познать съ помочію людскогорозума. Се есть опредѣленіе Церкви на Ватиканскомъ соборѣ.

1. До познанія существованія Бога передовсѣмъ приведе насъ спогляданіе видимого свѣта.

а) Звотки свѣтъ? Звотки животъ на свѣтѣ? Отъ кого походить вселенна? Звотки силы и енергіи природы? Все что есть, что существует на свѣтѣ має мати достаточну причину своего бытія. Ничъ на свѣтѣ не есть само отъ себе: все что есть, отъ другого есть. Такъ и свѣтъ не могъ повстati самъ отъ себе, но быв сътворенъ Богомъ. Добрѣкаже Cicero: „Если прищадковое стрѣтеніе атомовъ могло колись создати сей великолѣпный свѣтъ, чому днесъ не може создати домы, церкви и т. д., что бы было много легшое дѣло“.

б) На свѣтѣ найдемъ точнѣ природнѣ законы, прекрасный ладъ и чудесну доцѣльность. Розумна законность являєся въ круженію небесныхъ тѣлъ, въ сполученію елементовъ, въ органахъ человѣка, скотовъ и рослинъ; всягды, куда лиш позераеме, точнѣ законы дѣйствуютъ, цѣла природа точно опредѣленнымъ законамъ повинуєся. И кто бы сомнѣвався, что законы безумовно

предполагаютъ одного законодателя? „Николи — каже оденъ филозофъ — не ламавъ я голову надъ тымъ, чтобы доказы глядати для существованія Бога. Такій доказъ я всенайду въ моей кешенѣ. Якъ я компликовану постройку моей годинки споглядаю, никто не въ силѣ менѣ заговорити, что се повстало изъ пустого припадку, безъ упорядучого ума одного майстра. Безбожники взглядомъ повстаня свѣта говорятъ о припадку, о слѣпой енергіи природы и Богъ знає о чо, лишь о одномъ Богъ сотворителѣ нѣть:— однакож — перепрошу — всѣ ихъ слова суть безъ жадного смысла“!

2). Существованіе Бога свѣдчить и внутрѣшное слово чоловѣчого рода, что является въ голосѣ совѣсти и въ загальному переконаню людства о существованію Бога.

а) Въ внутренности чоловѣка находится оденъ тайный голосъ, черезъ чо способнѣ есме розлучити добре отъ злого, который голосъ спонукує насъ доброе творити и злое уникати, и который хвалить або докоряє чоловѣку по тому чи повиновався голосу, чи нѣть. Звотки сей голосъ? Звотки, коли чоловѣкъ сему голосови не годенъ розказовати, онъ говорить хоть пріятное, хоть прикрое есть для чоловѣка? Голосъ совѣсти независимый отъ чоловѣка, также не могъ походити отъ чоловѣка ви отъ выховання, бо тамъ є въ внутренности цѣлкомъ дикихъ и некултурныхъ народовъ. Онъ могъ походити только отъ Бога.


б) Въ существованію Бога всегда вѣровавъ весь людскій родъ. Атеисты (безбожники) заходили цѣлый свѣтъ, чтобы найти народъ безъ вѣры, но дармо. У каждого народа, хоть якого дикого и залишеного нашлася вѣра о Богѣ и яка небудь примитивна религія. Вже въ старомъ вѣку сакъ говоривъ Платонъ: „Если заходите весь свѣтъ, вайдете города безъ царя, безъ буквъ, безъ науки, безъ грошей и безъ законовъ, но жадного не найдете безъ Бога и безъ церквей“. (Adv. colot. 31.)

Майже всѣ глубокоученѣ люди вѣровали въ существованіе Бога. Въ старомъ вѣку: Сократъ, Питагорасъ, Аристотелесь, Платонъ, Цицеро, Сенека и т. д. Въ середномъ и новомъ вѣцѣ Кеплеръ, Ньютоњ, Волта, Амперъ, Пастеръ, Наполеонъ и т. д. Всѣ одноголосно свѣдчать о томъ, что, новерхна ученнестъ евентуально може чоловѣка привести до атеизма, но глубокое знаня безумовно приведе насъ до Бога“!

в) Однакож як може ся стати, чо мимо сего находяться люде, котрѣ сумнїваються, або прямо отрицають существованіе Бога? Сему изъ болышей части то причина, чо люде такого рода любили бы, если бы Бога не было, кто ихъ карати має за ихъ грѣшный

животъ. Они не знаютъ, лишь искаютъ, чтобы не было Бога. Якъ и св. Писаніе каже: „Говорить безумный въ сердци своемъ, нѣсть Бога“. „Безумнъ, котръ твердять что они переконанъ о несуществованю Бога, если и дньомъ такъ говорять, однакожь въ ночи и въ самотѣ о томъ сомнѣваются“ (Seneca).

3. До совершенѣйшого познанія Бога приведе насть Божіе откровеніе. Съ помочію сего познаеме не только его существованіе, но и всѣ его совершенства и его святу волю. Однакожь и въ откровенію лишь такъ видиме Бога, „якъ въ зеркалѣ“ якъ св. Павелъ каже: „Видимъ очи нынѣ иакоже зерцаломъ въ гаданії“ (1. Кор. 13, 12). Лишь на другомъ свѣтѣ будеме Его видѣти „лицемъ къ лицу“ (1, Кор. 13, 12); но цѣлкомъ похопити Его бытіе и совершенство и тогда не будеме могги, бо безконечное совершенство и величость Бога по вмѣстяться въ ограниченномъ естествѣ чоловѣка.



Ци має быти священник ученый? Шизматики с тым извиняютъ неукость своих батюшков, что и апостолы не ходили до школы, простѣ рыбарѣ были, однако Христос их поставилъ своими апостолами. Прочто бы же кочѣшь и древорубачь не могли статися священниками?

1) Узнаеме, что апостолы простѣ рыбарѣ были, но то не мож твердити, что они до школы не ходили. Они до найбѣльшого университета свѣта ходили, где наймудрѣйшій профессор свѣта: Іисус Христос за три роки их учив. Кто до такой школы ходить, тому уже не потребно до інай школы ходити. Если бы днешных кочѣшов и древорубачов І. Христос три роки учив, не мали бы потребы на іншу школу. Але днесъ не Бог, но люде учать, котръ довшого часу потребують для воспитанія священников. А шизматики

и три роки за довгій час держать, их батюшкам надость видиться за пару мѣсяців приготовитися до священства.

Что к ставу священническому за довшій час потребно приготовитися, на то приклад дав сам найбóльшій священик: I. Христос, который свое дѣйствоование лишь в 30 роцном вѣку своем почав. Что мыслять шизматики, что робив I. Христос за сей час? Ци Он живот свой в лѣнивствѣ провадив, або лишь св. Іосифу помогав заробляти на хлѣб, а нич инише не робив? О нѣт! Он за 30 роков молився и размышляв о том, яким способом мае величезное дѣло откупленія совершити.

2) На се шизматики то отповѣдають: Узнаеме, что апостолы до найвысшої школы Христа ходили, но не ходили в первых христіанских часах их наслѣдники, котрѣйзовсѣм неукѣ были.

Смотрѣм до очей сего тверженія. Першѣ христіанскѣ столѣтія не мож поровняти с днешними часами. Тогда жили наочнѣ и научнѣ свидѣтель живота и науки Христа, або позднѣйше друго-третъоряднѣ свидѣтель, котрим не требало учитися из книжки науки Христа, як днешним священникам.

Однакож и сесь першѣ священники были учеными; их называли вже в первом столѣтію „пресвитерами“ т. е. старшими и то зато бо лишь старших людей выбрали на священство, котрѣ мали доста доспѣлости, доста учености, чтобы могли другим обясняти правды Христовой науки. Из другой же части от II-го столѣтія не только священников, но и простых людей, котрѣ хотѣли стати христіянами учили за довгѣ часы. Ходили сесь дорослѣ люде до „школы оглашеных“, як теперѣшнѣ дѣти. Та если уже Церковь от простых христіян пожадала учености, як бы могли обойтися без того священники, котрѣ их учили.

3) Позднѣйше на только старається св. Церковь о школах, что не лишь семинаріи, но и всякѣ свѣтскѣ школы в ей руках были. И теперь потребує св. Церковь, чтобы священники не лишь богословіе, но и середню школу окончили. Великое счастья то, что священники образованы суть! Но иначе як могли бы вѣру Христову против дарвинизма, раціонализма и всякого изма захранити, если бы неукѣ были. Тогда бы каждый лишь высмѣяв науку Христову и кождый ученый убѣжден бы быв, что вѣрити лем глупый чоловѣк може. Если бы священники необразованнѣ были, о визіях, привидѣніях понятія бы не мали, тогда были бы всякѣ сказки, появи спиритистичнѣ и. т. д. за чуда проголосили и с тым безвѣрныхъ людей лишь укрѣпляил бы в невѣрствіи. Так але видить безвѣрный свѣт, же что священничество проповѣдує, то не глупость, тма, але чиста правда.

Сеъ великоѣ выгоды, т. е. образованности не мають шизматицѣ батюшки. Россія была бы так глубоко не упала,

если бы еъ священики образованъ были, и наши батюшки бы такъ глупства не говорили, что поеднъ апостолы по Сошествіи св. Духа пошли до Америки проповѣдати слово Боже. Если бы они ученѣйшѣ были, скорше бы настало соединеніе Церквей, ибо в Россіи правъ интелигентна часть духовников есть (учена) прадовником церковного соединенія (унії).

А. К.

Письмо до Благовѣстника! Мила наша Газеточка! Жаль ми было, что вже так давно не писав ем Ти. Но теперь заскрѣпѣли Веніаменско-Савватійскѣ гусильки (Правосл. Вѣстн.) из Праги-Смѣхова. Звѣдують, что „Зачѣмъ вы издатели и писатели Благовѣстника такъ бранитесь? такъ на смѣшиливы? такъ издѣваетесь?“ Затото вже мушута пропросити дай им оттаку одповѣдь!

1. „Зачѣмъ такъ бранитесь?“ Та як бысъме ся не оброняли через Тебе от того, от чого и сама Веніаменско-батюшковска команія напудилася?! Як бысъме ся не обганяли от больше визма!? Дуже Тя прошу лиш одганий твоим смѣлым голосом и на дале от Христового винограда шкодливых кавок, котрѣ любили бы и до Церкви завести большевизму та анархію.

2. Чтобы Ты „насмѣшиливый“ быв?! Я то не видѣв. Бо тото вже лиш не есть насмѣшливость, если скажеш пораз-пораз, что бохтер финанс кошиш-мелник-батюхи, якъ смутно смѣшиш дѣла роблять. Тому не Благовѣстник винен, что в Бѣловарцях (ж. Марморошка) одна жона, (коли увидѣла до церкви закравшогося батюха) — восклікнула: „Так як кой бим рогатого (чорта) видѣла!“ Тому не Благовѣстник винен, что атьоц Рацин свивю свою посилає до уніятского попа перекрестити! Ци так? Батюшки просторѣкають нашим духовникам, что „добрий пастырь полагает душу свою за овцы своя!“ — Та прочно не полагали россійскѣ смигранты-батюшки свою душу за своих родных россійских братев? Прочно лишили своих изѣсти вовкам, а прийшли в нашу кошару бѣды городити?! Прочно не полагали душу свою прочъ батюшки и не прийшли Tisza Pištov-и сказать: не мадяризуй! Ци тому Ты винен, что тогды нынѣшиш крикуны-батюшки еще лиш по млинах мѣрку брали, у майнѣ вугля копали, конѣ чистили, або бохтрами были?! Ци сесе насмѣшливость...?! Нѣт! Лиш „правда очи коле“ — як казав п. окр. начальник др Ю. Комаринскій.

3. Затото мы дивуеме ся и будеме дивовати ся, что, як можно против таких фактов еще противостати и писати: „вотъ... мы нигдѣ ни еднимъ словомъ не поносимъ уніятства насмѣшиливо!“ Еще бы лиш того треба!! Тадъ ци Благовѣстник не прожив уже одного Правосл. Вѣстника Дозифейскаго? Благовѣстник прожив и перебыв накиды Р. Землѣ, пережив высмѣхованія Бедевельских гр. каѳ. священников, которым из жаливы выплели вѣнецъ „православные дикарь“.

Та еще вы бы съте хотѣли „поносити уніятства насмѣшило?“ Тото уніятство, которое вже переже — сто и тысячараз вы- смѣшковали „православные? !“ — и вы бы съте смѣшковали? Ты также не смѣеш смѣшковатися, люба наша Газеточко! Айбо правду всегда смѣло скажи! Скажи и фарисеям як Іоан Креститель: „чада змія“ естье, говори за Христом что фарисеѣ: „забѣленъ гробы“. Выплети из правд вѣры силный корбач, та по примѣру Ісуса Христа бий-гони злобу, но на- вернувших ся грѣшников помилуй, укрѣпи и привяжи до стада Христового, „да будуть всѣ едино!“ Крѣпновѣрій.



Блаженное убожество або смерть праведника.

Іосифъ изъ Назарета лежавъ на убогой постели, близькій смерти. Марія чувала и молилася при умираючомъ. Іисусъ дер- жавъ его руку въ Своей и потѣшавъ надѣю щасливой вѣчности. Говорицъ о надходящомъ царствѣ Божомъ — а слова Іисусовѣ, та милый, повный любви блеск его очей, наповнили сердце Іосифа небеснымъ спокоемъ.

Та все таки отъ часу до часу хмарка смутку покрывала лице умирающего. Здавалось, что тихій боль вязався съ тайнымъ горемъ Матери Іисуса, якого она и не высказовала. Ахъ! Въ ихъ хатинѣ не было еще николи такой бѣды! Часы были тяжкѣ, работы мало, а и за ту слабо платили. Та они уповали на Того, котрый дбае и про малыхъ воробчиковъ, якимъ Божое милосердіе всегда посилае хлѣба.

Конецъ третьїй ночной сторожи. Над берегомъ Тиверіяд- ского озера сходила ранна зоря. Дыханье умирающаго былъ такъ спокойное и легкое, якъ подувъ раннаго лѣтнаго вѣтра, что колише травку на левадѣ. Здавалось, что Іосифъ спить.

Коли когутъ заспѣвавъ Іосифъ отворивъ очи, звернувся до Іисуса и промовивъ:

— Знаю побожн сть Твою и Твоей Матери. Вы готовъ на всѣ жерты и кресты. Однакъ въ лампочки нема олію; ци выстане его, коли схочете чувати при менѣ до моего скону? До того еще Твоя Мати така убога; ци зможе заплатити за мое смертное покривало...

Хвильку совокупився и продовжавъ:

— Мы направили два ярма для Нерія изъ Каны, одно колесо для Натана изъ Завулонової долини, дванадцять срѣбниківъ, якъ они намъ за то довжнѣ, выстане на мой похорон... Пойди и залагоди се, а Богъ дастъ менѣ еще ту радость, что поблагословлю Тя, якъ вернешъ.

— Здѣлаю, якъ желаешь — отповѣвъ Іисусъ.

Запн въ ремни своихъ сандаловъ и зыйшовъ изъ высочинъ Назаретскихъ.

Въ блеску сходячого сонца румянѣла въ долинѣ гаулянска ст рона и діямантами искрывся снѣгъ на Гермонѣ. Теплота, котра розливалася отъ сонца, будила першое житя на земли.

Іисусъ спѣшивъ холоднымъ рапко, осѣяній свѣтломъ, что розливалося по полю.

Спѣшивъ изъ послуху и изъ любви. Его сердце горѣло охотою сповнити волю свого Хранителя и быти ему потѣхою въ послѣднѣй хвилѣ житя.

Переходивъ коло корча тернины и утямивъ тамъ простягнену, покровавлену овечку, котра жалосно блеяла изъ великого болю. Онъ схилився, вытягнув руку и уздоровлена овечка побѣгла въ сторону, яку указавъ ей рукою.

Недалеко въ оливномъ городѣ подъ однимъ деревомъ лежала маленька птичка, что выпала изъ гнѣздочки. Онъ осторожно подняв пташатко. Огрѣтое въ рукахъ Іисуса, почуло, якъ наразъ пѣрячкомъ поросли ему крыльця и отлетѣло съ щебетомъ.

Недалеко Каны стрѣтивъ слугу Нерія и спитав про господя.

— Пане, — сказавъ слуга, — нашего пана Нерія нема дома. Онъ выбрався у Васанъ, чтобы продати вовну отъ своихъ овецъ.

Было уже коло 4 години.

Сумный и умученій усѣвъ Іисусъ при дорозѣ. Потомъ пошовъ дальше и около 6-ой години станувъ коло хатини Натана.

Въ хатѣ было тихо, дверѣ замкненѣ.

Натанъ сынъ Толомая, одойшовъ до одного Садукея.

Іисусъ отпочавъ на порозѣ хаты. Якійсь убогій чоловѣкъ изъ Капернаума давъ ему нѣсколько смоковъ и чашу воды, чтобы покрѣпився и Іисусъ выбрався съ поворотомъ до Назарета.

Коли такъ Іисусъ ишовъ, приступивъ до Него скуситель и сказавъ:

— Ты, котрый ратуєшъ овцю заблукану, ци не можешьъ такъ здѣлати, чтобы не спальовалась въ лампѣ олива?

Не задержуючись одповѣвъ Іисусъ:

— Я сповняю волю моего Отца, а Онъ менѣ сего не росказавъ.

Коли зближалася вечеръ, приступивъ скуситель въ друге и промовивъ:

— Ты одѣваеш птички пѣрьом, а не можеш найти покрывала для своего умираючого отца. Расскажи, — а найдешь на дорозѣ только срѣбняковъ, колико лишь захочешь. А коли не хочешь, то чому ж ты выбрався въ такъ тяжку дорогу?

— Я почитаю своего Отца, я сповнивъ его волю. Онъ такъ хотѣвъ.

И Іисусъ продовжавъ дорогу въ Назаретъ.

Была нѣчъ, якъ станувъ въ роѣномъ мѣсточку.

Коло умираючого погасла свѣтъка, — а на его лицѣ разливався тихій, щасливый спокой. Коло него бѣла Марія, Она все еще чувала и молилася.

Якраз пришла до нихъ одна вдова, котра мала кусникъ земли и двѣ овечки. Іисусъ выпросивъ у неї, яко милостиню покривало для помершого и оливы до лампы. Она пошла и принесла то.

Коли вернула, Іосифъ уже не живъ.

Померъ въ такъ великомъ убожествѣ, але якъ щасливый. Померъ на рукахъ самого Госп. да Іисуса и Пречистой Дѣви Марії.

Коло тѣла убогого теслѣ, стоявъ Іисусъ съ схиленою головою и плакав...

Борьба за церковь.

У ~~Нагорі~~ (ж. Мармарошка, окр. Тересовскій) схизматики провертѣли дверѣ церковнѣ, провѣтили ланц и поклали на дверѣ колодицу, чтобы нашѣ вѣриники не годы зайти до церкви. Оденъ чоловѣкъ упознав, что сей ланц онъ позычивъ быв *Токарь Петрови*, который много ходивъ за теперѣшнимъ духовникомъ ажъ до Краснышоры, но теперь якъ здається стався зрадникомъ. Лишъ зрадничій хлѣбъ не платный. Сесе и онъ узнае! — На праздникъ св. Архид. Стефана, — схизматики осталися по утрени въ церкви изъ тымъ намѣреніемъ, что пакъ изкличуясь и заведуть батюха, обы пересвятитъ церковь. За гр.-кат. священникомъ гойкали: „Дотеперь спѣвали папѣши-уніяты, а теперь хочеме мы, православны“. Дуже имъ было жаль, что ланцъ не помогъ ничѣ; гр.-кат.-ики розбили колодицу. Та до нового средства обернулися: осталися у церкви. Но и сесе не повело имъ ся. Священникъ просивъ четниковъ, обы схизматиковъ изъ церкви выловѣли. Но четники отповѣли, что они на сесе розказа не мають. И такъ самѣ

гр.-кат. парубки (легинѣ) были принужденѣ обронити свою церков таким способом, что противляючимся схизматикам „указали, куда суть дверь“. Тогда пак четники зробили протокол, что колько схизматиков было поражено.

У Ганичах (ж. Марм.) забився батюх им. Петро Назарецкій из великою товпою схизматиков до нашої церкви тогда, коли церковник ишов звонити першій раз. (Дня 14. I. 1924. на наш новый рок). Почав сейчас кончити отправу. Но приступили и гр.-кат. вѣрники, которых вожд Гавріил Плеска не пойшов за прошеніем схизматиков: „будьте вы з нами!“ но громким голосом запротестовав против батюха. Пришли четники. Церков запечетловали и школу, где схизматики кончили. Но сим наши не доволенѣ. На сих днях получать назад церков свою и надѣемсяся, что окр. начальник д-р Ю. Комаринскій зробить порядок из батюхом чужинцем.

У Терешелѣ (ж. Марм.) батюх им. Ружичка прийшов из Дубового с 7-ми террористами. Коли церковник зазвонив первый раз, — они закралися до церкви. Батюх убрався и сейчас начав кончити отправу. Наколи наши вѣрники зойшлися, батюх-чужинець вже проповѣдь держав, кажучи: „Ваши духовники злодѣї, бѣтанги, мадяроны и якіи духовники, такій и владыка, такій и Римскій!“ Наш куратор им. Василь Сасин громким голосом перервав батюха в проповѣди: „Доста вже было! Такого мы уже чули! „На что козак-батюх Ружичка разярився и казав: „Най вижу, который там брынить. Най иде сюда ид менѣ. Бо я маю дозволеніе туй говорити!“ — Но народ не звѣдовав од кого має дозволеніе. Церков загомонѣла, загучали люде. Греко-католики написали письмо до свого намѣстника о. Корнелія Хиры до Нересницѣ, что что ся стало в Терешелѣ. А в селѣ выбух великий безпорядок, так что жандармы прийшли, котрѣ пак — не знати из якої причины и из яким правом — забрали сесе письмо од людей. Але Ружичку не забрав нѣкто. Хиба забере го ярость оскорблennых вѣрников, если окр. начальник Комаринскій сейчас не зробить енергично порядок. Бо вѣрники наши повсюду насытилися вже беззаконствами и не будуть их из изкладеными руками позерати.

У Кривом (ж. Марм.). Одбывся адм. процес о забранной Кривской церкви дня 15. I. 1924. у Тересвѣ. Д-р Ю. Комаринскій (греко-каѳ, священника сын из Галиціи), яко окр. начальник не выповѣв суд тому, что гр.-каѳолики не хотѣли ити заявится на нотарскій уряд, что они гр.-каѳолики. Рѣшив

еще раз выбубновати, чтобы гр.-каєолики ишли гласитися. Против сего рѣшенія заступник конзисторіи о. Корнелій Хира, намѣстник сейчас заявив рекурс, что окр. начальнику не было на смак! Мы то знаеме. Айбо и нам не есть на смак, что од схизматиков не жадається, чтобы они подержали предписы закона из р. 1868. LIII. § 1 – 8? Тѣм паче, бо на то не есть закона, обы мы были должнѣ гласитися.

к.

Тяжка борьба торунских христіан за церков против еретиков.

На праздник Богоявленія кров христіанска потекла за вѣру Христову. На большу славу Ческословенской Республики шизматики с биткою напали на торунских греко-католиков и братскою кровію засквернили дом Божій. Дописуватель наш в слѣдуючих повѣдомляє нас о сей новой шизматикої бруталности:

„На праздник Богоявленія як греко-католики докончили службу свою хотѣли церков заперти. Народ уже выйшов а на конди зостали троє: о. Ант. Мигалович, духовник, Іван Мікуляк пѣвець и Юрко Рябець вѣрник. На сих трох людей напала дика шизматицка товпа, чтобы вломитися до церкви. Шизматики почекали, коли греко-кафтолики розишлися и коли увидѣли, что лиш троє их зостало, зробили великий гойк и крик, урвали Юрка Рябца звалили его до землѣ и били его с коновльзов (в той била свячена вода) та и з деревами де лише трафили и як лише могли. Потому як он посунувся в долину долу бережком еще и там пустилися за ним тай били его дальше куда лиш видѣли.

При битвѣ все гойкали на него „ди пишешся уже? Ци будеш православный? — и он в своем тяжком положеніи межи збытком таким паскудным все лиш казав: „нѣт, нигда!“

Рябцови однакож удалось из их рук вырватися и через дротяный плот церкви перескочивше выбѣг на улицю... Став мало... Гадав сирота же хотъ ся поутирае от всячини что на него навергли. Но нѣ мав часу и на то... опят му боротися пришло ис дикунами. Многъ опят прискочили ид нему з дровми та з криком: „бийте го, бийте пса, ди будеш уже православный? — он себе уже до всячини передавшѣ став межи них и як лише мог кричав им до уха:

„Порубайте на куски и тогда на вашу вѣру не перестану... Можете на и убити, та хоть буду знати, же не за злодейство я погиб, но за правдиву Христову вѣру...

Шизматикам не треба было больше чути, бо чим он сесе выповѣв, опят ѣмлися до него и били го опять где и

як лише могли. Напослѣдь друлили его долу ид потокови и он поднявшеся из земли и перебѣгши через рѣку, снѣжаный, обдертый, побитый горѣ городами побѣг за жандармерію.

Тым часом другѣ твердо начали притискати духовника и Ивана Микуляка ид дверям и гойкали из заду: „байте попа, байте исов, байте вшитких уніятов“.

Сесь минути били для них дуже критичнѣ. Духовник с Микуляком уже нѣjak не могли своею силою задержати шизматиков и духовника о. Антонія Мигаловича их дикость вытиснула на вышній бок церкви, де его захоронили вѣрники, а Ивана Микуляка затисли межи собою и напали на него же: „байте го, туй е... байте пса“... и такой куда лиш могли его досягнути, туды его били... Коли он в своей тяжкой опасности ламався на дорогу, еден шизматик еще ногу приклав ему обы на том упав и обы его так скорше и лекше могли добити. Лиш Бог небесный знае, водки била у него така сила, что мог ся вырвати из такого дикого тиску и чим мог ся достати на дорогу; там зараз многи начали гонити его, доки лиш он не нашов себѣ помочи в едной хижѣ.

Другѣ шизматики, обы коло церкви також не обстали ся без дѣла та смѣха, та у едну — дѣвочку — котра выйшла из церкви и котра в епилепсії тяжко хворуе, копнули до неї и вергли дале берешком до снѣгу и потому хахотали на том...

Жандармерія ще не прійшла на мѣсто, коли увидѣли духовника, Антонія Мигаловича, на нижній улиці ити и зараз як на злодѣя начали кричати:

„Еге де е! Імайте го, Імайте!“

Прийшла потому жандармерія и з ними вернувся назад и Рябец. Першій раз высвободили Ивана Микуляка з его тяжкого положення и привели обох назад межи шизматиков, обы могли заперти свою церков... Я.. церков заперли и верталися назад, шизматики якбы их роздерти хотѣли, з повної гортанки начали кричати:

„Гурра на жандаров! Гурра! Бийте их!

В сей минутѣ надбѣгла течерь уже цѣла товна и хотя жандармерія довкола гверами обганяла и сокотила их,proto де лише могли урвати их з рук жандаров и една жона помежи жандаров сильно ударила Микуляка по головѣ. Гойк и крик такій быв коло них, же жиды из улицѣ на сесе дивлячися гадали, что тотѣ два вѣрнѣ греко-каєолики живѣ не вийдуть на дорогу.

Доки сеся дика, безбожна робота робилася, батюшка себѣ кончив „службу“ под стрѣхою церкви и ледва минуло пару минут, чути было из „православноѣ“ служби: „Возлюбимъ другъ друга...“

Смутно было по вшиткому видѣти, як богато было роз-

метано дрова и кам'я на тых мѣстях, где били тых вѣрных гр. каѳоликов.

От сяк тяжко боролися гр.-каѳолики в Торуни за свою церковь...

Греко-каѳолики доста навперед говорили окр. начальнику а еще и особно трое ходили до него просити помочи, айбо начальник так казав, же он ся того не страхать. Та ци то сякъ дѣла похвальнѣ суть на нашу администрацію?

Торунскѣ вѣрнѣ гр.-каѳолики от сим путьом обергаються до культурного свѣта и до цѣлого свѣтового христіянства, най возьмуть их в оборону и своими протестами най докажутъ свою солидарность, най осудятъ таку „свободу совѣсти“ яка панує теперъ из ласки „нового режима“ на Подк. Руси и котра скоріше „гоненіем христіан“ могла бы называтися...

Новости

12-го фебруара минуло два роки тому, что покороновали Его Святѣйшества римского отца XI-ого Пія, наслѣдника св. Петра апостола, архіерея Христової Церкви. Из сего поводу на цѣлом христіянском свѣтѣ горяча молитва поднеслася до Всевышнього, чтобы Богъ небесный подержав его докончiti святу цѣль соединенія всѣх христіян под управою наслѣдника св. Петра и здѣйстнити святое желаніе миліонов христіян: „да всѣ єдино будуть“. (Іо. 17, 21).

— Упокоився. Гавріил Мустянович пенз. духовник 4-го фебруара в 76-ом роцѣ своего житя в Кивяждѣ умер. Усопшій быв душнастыром через цѣлое свое житя в Кушницѣ и провадив бѣгобойный живот в ширых молитвых и строгих постях. Минувшого рока праздновав ювілей свого 50 рочного свяіценства.

— Крок до соединенія церквей. В Софії (Вулга-

рія) была конференція представников румунскої и болгарскої Церквей, где радилися о соединенію обоих церквей. Кромѣ того обговорена была и справа соединенія восточної церкви с вселенскою (каѳол.-ою.)

— Из раю комунистов. В Россіи протягом одного мѣсяця (децембер 1923) из политичных причин на смерть осудили 3785 людей.

Короткѣ вѣсти. За нового управителя совѣтскоѣ Россіи и Украины выбрано Рыкова. — Новинки приносять вѣсты о повстаню народа против комунистичноѣ управы. -- На Рожнавскій (Словенско) епископскій престол выименован буде епископом др. Чароцкій дир. интерната в Кошицах.

Просиме всѣх друзов нашої газеты, чтобы при замовлѣніях неотмѣнно отзывалися на „Благовѣстник“.

СОДЕРЖАНИЕ:

**ЧІЯ ПЕЧАТЬ? ВЪРА: §. 4. Богъ. БЕСЪДА: Блаженное убожество. . . .
БОРЬБА ЗА ЦЕРКОВЬ. НОВОСТИ. Короткѣ вѣсти. Оголошенія.**

Ниаго НАНЕЦ
ставитель олтару, сохарь и позолотарь
NOVÝ JIČÍN. — MORAVA.

допоручуясь к выправѣ олтаров, казательницъ,
крижовых путей, св. гробов, хору и сповѣдалъ-
нице, логушов и закристій и проч.

◀ (Оферты выробит грatis и франко) ▶

ИЗКУСТВЕННО ВЫРОБЛЕНЪ
ПАМЯТКИ СВ. ПРИЧАЩЕНИЯ
з надписом в всѣх языках.
Найбóльшій и найбóгатшій магазин в внутроземску (50 сорт.).
— Просѣть иллюстр. цѣнник.

БОГАТЫЙ СКЛАД КНИГ
различного формату а одбору
(особливо про духовенство напр. служебнѣ книги, бревіары и пр.)
МАГАЗИН И ТОРГОВЛЯ КНИГ — КНИГОПЕЧАТНЯ
LUDEVIT RICHTER
v Albrechticích při Krnové — Slezsko.
Ceskoslovenská Republika.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР
ЕМИЛІЯН БОКШАЙ.

JOSEF NEŠKUDLA
NOVÝ HRADEC KRÁLOVE Čs. R.

Посылае скоро за половину цѣну: Ризы,
стихары и всѣ потребнѣ одежи для гр. каѳ.
литургіи, заставы, иконы од акад. худож-
ников, чаши, олтарнѣ свѣчники, лустры,
кресты, одежи и проч. найдешевше.

— Коло новых обѣданьях скоро задармо поправлю старѣ одѣжи. —

БОЖѢ ГРОБЫ, СОХЫ
ВЫРОБЛЯЕ ИСКУСТНОЕ ПОДПРИЕМСТВО
ŘEHNA A CHARVÁT
=: KUTNÁ HORA 515. ČECHY. :=



ГАРМОНИИ

к упражненію в спѣву.
ПІЯНА и ПІЯНИНА.

Первокласнѣ выробы. Но ч. стиѣ и-
значенія Доставлено 7300 гармоній и
піян и 287 органов. Вы однѣ услоїя
для плаченія також и на раты. Илу-
строваніе пѣнники бесплатно. Най-
больша ческа фабрика сего фаху.

Заснована року 1869.

JAN TUČEK, KUTNÁ HORA, ČECHY.



ГАРМОНИИ
обоих родов
доставляє
RUDOLF PAJKR a Spol.
основано р. 1894
Hradec Králové (Čechy).

В КНИГОПЕЧАТНѢ „УНО“

МОЖ ПОЛУЧИТИ СЛѢДУЮЧЪ КНИГИ:

	Кч
1. Азбука Волошина.	7.—
2. Читанка „ Н. кл.	6.50
3. Аритметика Волошина I—II. кл. 2 кор., III. кл. 2 кор. IV. кл.	2.60
4. Методическая грамматика Волошина	5.—
5. Географія М. Григашія по рускии по мадярски	5.—
6. Малый катихизм	1.20
7. Средный	3.—
8. Великий	5.—
9. Мала біблія	3.—
10. Середна біблія	10.—
11. Наша правда въръ от д-ра Ю. Гаджеги	2.—
12. Прочто празновати недѣлю а не субботу от д-ра Ю. Гаджеги	3.—
13. Біблейскіе вопросы с точки зрењія восточныхъ церквей	3.—
14. Вѣнец, стихотв. Павловича	18.60
15. Великий Зборник	40.—
16. Середный	24.—
17. Малый	15.—
18. Ангел Господен	6.—
19. Марія Повчанскій Паломник	16.—
20. Пъсемник, от директора промысловыхъ школ Ф. И. Шпады	12.—
21. Рисованіе для дѣтей с руским текстом	6.—
22. Рисованіе для дѣтей съ чешским текстом	4.—
23. Рисованіе геометричное	15.—
24. Ручна праця в школѣ с чешским или мадярским текстом	16.50

В том состояніи есме, что всѣм заказующим через
48 годин можемъ почтовно провадити.

Заложуйте свои вкладки до Централъ або філіялік
ПОДКАРПАТСКОГО БАНКА.

СТАН ВКЛАДОК ПОВЫСШЕ: КЧ. 10.000,000.

В всяких фінансових и господарских дѣлах доставить Вам скору, точну и бесплатну пораду :-:
ПОДКАРПАТСКІЙ БАНК В УЖГОРОДЪ.

Своими заощаднеными гелерами при доброму опроцентованю капитала подпирайте свой народный
ПОДКАРПАТСКІЙ БАНК В УЖГОРОДЪ.

Істинно народна, руська и славянска інституція есть
ПОДКАРПАТСКІЙ БАНК В УЖГОРОДЪ.

Свой до свого!
Пересылки долларов до Америки з дозволом
Банковного Уряду выконує :-:-:-
ПОДКАРПАТСКІЙ БАНК В УЖГОРОДЪ.

Переказы до Галичин, Польщъ и др. держав
Європы и Америки выконує найвыгоднѣйше :-:
ПОДКАРПАТСКІЙ БАНК В УЖГОРОДЪ.

Замѣну старых ческословенских банкнот (Кч. 5000,
500, 5.—) переводить :-:-:-
ПОДКАРПАТСКІЙ БАНК В УЖГОРОДЪ

в Банковном Урядѣ Министерства Финансов.
Америцькѣ десеквестраціи, исекураціи и компензациіи за померших в Америцѣ переводить :-:
ПОДКАРПАТСКІЙ БАНК В УЖГОРОДЪ.

За вкладки (льокациї) платить
ПОДКАРПАТСКІЙ БАНК
:-:- 5%—6% :-:-
ПОДКАРПАТСКІЙ БАНК В УЖГОРОДЪ

Путешественна канцеларія продажа желѣзнодорожных карточок на цѣлу територію
Республики и до всѣх сторон свѣта має
ПОДКАРПАТСКІЙ БАНК В УЖГОРОДЪ